




Ni te bajya ne wetowa'a ne toxuwi ixta ne matowa'a

**Los Derechos de las
Niñas, Niños y Adolescentes
del Estado de México**



Traducción
al
Matlatzinca





Matlatzinca

**NI TE BAJYA NE WETOWA'A NE TOXUWI
IXTA NE MATOWA'A**

**"LOS DERECHOS DE LAS NIÑAS,
NIÑOS Y ADOLESCENTES"**

Traductora: Lucía Martínez Molina

Niteabajya ne towa'a ixta ne toxuwi tiyeje pa taremet'anje.
Tesoje tenawi rukjuakjana temueti pu rukjuekjananchori ixta pu
rutemet'ankjowi.





Nikjanarijyo ne towa'a ixta ne toxuwi mu ne maatowajue.
Xatarepari ne kyat'ani ixta ne kjabéeméni pi bemji ne towa'a.
Tare parikuenta nitebajya ne kune taro ki tanuta ixta puepji.
Ni maat'una ne towa'a ixta ne wexuwi ron'inkjebi:

Béeméni 1

T'ani kuna'ini wetowa'a

Kjuen pueya kin wetowa'a werawi ba tatutachi rat'a mus nekunjowi
ne kjech'e, tarepati kuenta yakja tatusiti njachji.

Béeméni 2


Xatarepari ne kyatje.

Tesoje ne tebabjya tareparre tesoje ne towa'a ixta ka nit'ani Nunijani
tarekjanamet'ani wetowa'aje pa xaromakjaje.

Béeméni 3

T'ani mujnawi wetowa'a.

Tesoje ne béeméni ki rontemet'ani ne towa'a tenawi tatu pueyaje
ne towa'a. Ka nit'ani Nunijani terekjanamet'ani ne towa'a yakja
wentanje, weniwje o munitje xaro nakjananpuentje.



Béeméni 4

Tarepari niteabajya.

Ka nit'ani Nunijani taesti tesoje ne béeméni ki rontejejya pa tarekjana pari roteabajya pukja ku ini ninji ribawi.



Béeméni 5

Nintru ixta nitejiti ni wentani ixta ni weniwi.

Ka nit'ani Nunijani taroremueti ni wentani ixta ni weniwi, muro ni pamilia, pa tarejiti t'ani taroye ne towa'a pi rijyo.



Béeméni 6

Nichunta ixta nirijyo.

Tesoje ne towa'a ronme nan tjiya pi chunta ixta ka nit'ani tarokja-nanchori pi rijyo wetowa'a.



Béeméni 7

Nixu ixta nichjori

Tesoje ne towa'a tenawi tarome xu yakja ka ronuta ixta ni xirbawi pu ronchjori.





Béeméni 8

Tame nixirbawi

Ka nit'ani Nunijani taremet'ani ixta kutejeya, tatupari nan mjuxirbawi wetowa'a, yakja romatutuxchji nixirbawi.

Béeméni 9

Nitejechi ko rowentani ixta roweniwi

Ka niteabajya wetowa'a tachjori ko wentani ixta weniwi, nirawi yakja romatejichi tunawi wetowa'a. Ka niteabajya wetowa'a tatuje wentanje, yakja xaromachori werawi. Ka nit'ani Nunijani taremet'ani, yakja romatejichi por ki romatepawi.

Béeméni 10

Tarochjori muranji tesoje

Ka niteabajya ne towa'a ixta wentanje taro'awi murakuati ixta taronju'u muranji, yakja romatejanti muranji o yakja romatenu tesoje.

Béeméni 11

Nitesti ixta taxka romatupa murakuati

Ka nit'ani Nunijani tatuye ne béeméni pa tatutuxchji ne kyat'ani yakja romatuesti werawi ixta romatupa murakuati, naga por wentanje o por werawi ki xaronpuenti.



Béeméni 12

Nibéeméni wetowa'a

Wetowa'a kame tebajya pa taini t'ani mujnawi ixta tatupueya tes-oje ne kyat'ani ki rontuchoochi.

Béeméni 13

Niteabajya pa tat'una.

Tesoje ne towa'a tarepári niteabajya pa tarojori, tarepari ixta roini ne béeméni, nirawi yakja xaro matuchoochi munijtje.

Béeméni 14

Niteabajya por t'ani tupensaru ixta robejeta.

Tesoje ne towa'a tarome tebajya pa taropensaru, ropueya ixta robejeta pu man'ori rowentanje, ixta pu romatupatikuenta ribawi.

Béeméni 15

Nitebjaya pu romatejanti.

Tesoje ne towa'a rometebajya pa tarorejanti ixta roye ne njebi, nirawi yakja xaro matuchoochi munitje.

Tesoje ne towa'a rometebajya pa xaromateuxti pi chinta werawi, pi familia, pu chjori, ixta xarotukuakje pi maani.





Béeméni 16

Nitemet'ani nichunta.

Tesoje ne towa'a rometebajya pa xaromateuxti pi chinta werawi, pi familia, pu chjori, ixta xarotukuakje pi maani.

Béeméni 17

Tareparre nan kjana béeméni.

Ne medio de komunicacion sosial ronye nixirbawi pi béeméni ki ron'ini wetowa'a, yakja tarokjanachjori, nipueya ixta pi ronunijani ki rontemet'anje. Ka nit'ani Nunijani tatuparre ne béeméni para tarekjanamet'anje ne towa'a pi robeemeni ixta ne xirbawi ki romatuchoochi nichunta.

Béeméni 18

Nimet'ani ne wentani ixta ne weniwi.

Ka nit'ani ne wentani ixta ne wexuwi taturijoje ne towa'a ixta ka nit'ani Nunijani tatutentanje pa taroye rot'ani.

Béeméni 19

Nitemet'ani pi kjat'ani.

Ka nit'ani Nunijani tare met'ani wetowa'aje yakja romatukuakje wentanje, weniwi o munitje ki rontemet'ani, ixta t'aini t'ani tareye.



Béeméni 20

Nitemet'ani ne towa'a pi familia.

Ka nit'ani Nunijani tatupari nan kjana met'ani ne wetowa'a pi familia ixta tatupueya ki romatukjanamet'anje pi familia pu matepatikuenta pojti kuchjori wetowa'a.

Béeméni 21

Nitemet'ani.

Pi ne Nunijani ki ronpueya ki rontemet'ani ne towa'a, tarepatikuenta nibéeméni wetowa'a yakja ronchori tesoje ne xirbawi ki ron'ati par taremet'ani werawi.

Béeméni 22

Wetowa'a ki ronte iki.

Tareparre nitemet'anje ne towa'a ki ron'ini ki ronte'iki o yakja roma'ati, ixta ka nit'ani Nunijani, ixta ne maani ki rrojotemet'anje niteabajya.

Béeméni 23

Wetowa'a ki rontesats'i

Ne towa'a ki rontesats'i pí nu ixta pi riro ronmetebajya pa taromatemet'anje pi chunta, pi tejiti ixta nibet'ani pa tarorejanti ixta ropueya teso pukja kakjowi.





Béeméni 24

Nisanuta ixta ne t'ani ki ronmesanuta.

Tesoje ne towa'a ronmetebajya ninsanuta ixta tareparre tenawi pa ronkjana sanuta, tarepatikuenta titjijé ki rontujejya, nitemet'ani pa xataroremujri ne towa'a. Ka nit'ani nunijani taini t'ani tareye, pu tamatutuxchi ne kjat'ani.

Béeméni 25

Nitenu yakja ronuxti.

Wetowa'a ki romatu'uxti pu romatemet'ani pi riro ixta pi pueya, tareabajya nitenu por ki romatu'uxti.

Béeméni 26


Nitemet'ankjowi

Tesoje ne towa'a taroreabajya bot'utemet'ankjowi.

Béeméni 27

Nichunta.

Tesoje ne towa'a ronmetebajya pi chunta ixta pi rijyo ixta nitemet'ani wentanje. Ka nit'ani Nunijani tarepari ne béeméni ki rontemet'ani naga tenawi tarepoxchji nisisi.



Béeméni 28

Betejiti

Tesoje ne towa'a ronme tebajya pa tarorejiti ixta ka nit'ani Nunijani tatupari nitejiti ki xatarepojchji. Nitepari nitejiti tenawi tarijyo werawi wetowa'a.



Béeméni 29

Nit'ani betejiti.

Kan Nunijani tatuini ki nitejiti tenawi tarepari nirijyo werawi ixta nit'ani wetowa'a, pu tarijyo pa tamaachamju, tareini ne tebajya ki rontejeja ixta tarijyo nipueya ixta pi ne nunijani ixta munitje ki xaro bukjawewi.



Béeméni 30

Ne wetowa'a ki ronchjori pi ne nunijani ki ront'una murant'una.

Ka nitebajya ne towa'a ki ront'una muran t'una tarochjori meyatukja ronajue pi ronunijani, pu romatuxuri robejeta ixta rot'una.



Béeméni 31

Nite pueya, nieni ixta ne t'ani.

Wetowa'a tametebajya pa taeni ixta tabet'ani pi ne t'ani artistikas ixta kultural.



Bééméni 32

Nit'ani ne wetowa'a.

Ka nit'ani Nunijani taremet'ani wetowa'a pi ne t'ani ki rontucho-ochi nisanuta wetowa'a, nitejiti ixta nirijyo; mu tareini yakja tanju'u be bet'ani ixta yomukjakja tatuye.

Bééméni 33

Nibet'ani ne kja'antapi.

Ka niteabajya wetowa'a taremet'ani ki xamatubet'ani ne estupefaciente ixta ne sustancia psicotrópica, ixta xatareje chji tatubet'ani.

Bééméni 34

Ninjaeni

Rukjuatemet'ani ninjaeni wetowa'a ixta ki romaeni yakja ka wetowa'a.

Bééméni 35

Niteuri, nikjabet'ani ixta romatuparakuati.

Ka nit'ani nunijani tatuye ne bééméni ki rontejejya pa xarore'uri, nikjabet'ani ixta romapa murakuati ne wetowa'a.



Béeméni 36

Munitje ne t'ani ki romae ni.

Ka niteabajya wetowa'a taremet'ani meyatukja ki romae ni, ki xaromaini ne béeméni 32, 33, 34 ixtan 35.



Béeméni 37

Nitekuaki ixta nitetuxchi niteabajya.

Niweran wetowa'a romakuakje, ni taxkarokuakje, ni munitje ki romatuchoochi ki romatupa be t'enta pu romatu'uxtije mamupuekje ne jeabi. Ixka romatukoti tenawi romatutekjanamet'ani, pu xaromatejanti ko ne maachamju, pu tatuje ni pamilia ixta taroremet'ani ne rextu.



Béeméni 38

Ne betepawi

Nixirbawi be Convención sobre los Derechos del Niño kuini ki xayakja mateuxti be betepawi nirawi yakja tatutachi 18 ne kjech'e.



Béeméni 39

Tasanuta ixta tareuxti pu kjuenchjori.

Ka nit'ani Nunijani tareye ne béeméni pa ne towa'a ki romatukuakje, pi betepawi, ki romajechi ixta ni njaeni pa taro tukjanamet'anje ixta tareuxti pukjuenchjori.





Bééméni 40

Nitepari rextu ne towa'a.

Tesoje ne towa'a ki romatekats'i bééméni yakja ki ronye ne kjat'ani ronmetebajya pa tarotemet'ani rotebajya pu romatubukjawewi. Mu tareparre ni bééméni rextu o meyantewi kiro nawi pa tarekjanaat'iiri. Tenawi tareje ki xaromatupa be t'enta o be maani.

Bééméni 41

Tarepatikuenta ne bééméni ki ronchjori puechji.

Yakja nan bééméni ki romachjori por nan maaribawi o murawi tosu ki tepari be nunijani tenawi tabukjawewi pukjan Convención, pu tarepari titji.

Bééméni 42

Ne Nunijani rrojotemueti ki tarrojoye ne bééméni para te pueya ninjije ne bééméni ki maini Convención por ne kjana tosu, pa ne maachamju ixta ne towa'a.

Bééméni 43

Kuchjori nan comité be Organización de la Naciones Unidas ki temet'ani ki rotebajya ne toxuwi ixta ne towa'a tareparre.



Sistema para el Desarrollo Integral de la Familia del Estado de México
Apartado Postal No. 142, Toluca, Estado de México.
www.edomexico.gob.mx/difem

**01 800 00 DIFEM
(34336)**



SERVICIO DE ORIENTACIÓN PSICOLOGICA

01 800 221 31 09

710 24 96




Matlatzinca



Mazahua



Náhuatl



Otomí



Tlahuica

Este programa es de carácter público, no es patrocinado ni promovido por partido político alguno y sus recursos provienen de los impuestos que pagan todos los contribuyentes. Está prohibido el uso de este programa con fines políticos, electorales, de lucro y otros distintos a los establecidos. Quien haga uso indebido de los recursos de este programa deberá ser denunciado y sancionado de acuerdo con la Ley aplicable y ante la autoridad competente. Si nota alguna alteración, tiene algún comentario, queja o sugerencia, favor de reportarlo.

CE: 201/C/011/11-5